

LIZENTZIA BAT GARATZEKO KAPITAL PRIVATUAREN BABESA BILATZEA ERABAKI ZUEN

Urnietatelen %70 nork eskuratuko duen aurki erabakiko du Udalak

■ Zortzi enpresek jaso zuten lehiaketako baldintza-plegua eta lauk aurkeztu dute eskaintza

■ Urnietatelek Andoain, Lasarte, Astigarraga eta Hernanirako telefonia finkoko lizentzia dauka

■ Urnietatelen salmentarekin gutxienez 1.350 milioi pezeta eskuratuko ditu Udalak

Garbiñe Olaizola / Donostia

URNIETA Eraiki S.A. enpresako Batzorde Orokorrak erabakiko du datozen egunean ze enpresa izango den udal telefono konpainiaren %70 hartuko duena. Urnieta Eraiki da gaur egun Urnietatelen jabe bakarra eta kapitalaren %70 salgai jarriko du lehiaketa publikoaren bidez.

Udalak kaleratutako baldintza-plegua zortzi enpresa pribatuk jaso zuten. Horieta, lau enpresak aurkeztu zuten euren eskaintza %70 eskuratzeko. Salmentarekin udalak 1.350 milioi pezeta jasoko lituzke.

Prozesua martxan dagoela baieztatu zuen Maixa Lizeaga, Urnietako Udaleko alkatorde eta Urnietateko kontseilariak. Hala ere, ez zuen ezer aurreratu nahi izan Urnieta Eraikiren bilera izan aurretik. «Aurkeztutako eskaintzak aztertzea falta da eta hortik aterako da zein izango den Urnietatelen etorkizuna», adierazi zuen.

Urnietatel udal telefono konpainia bakarra da Euskal Herrian. 1997an Udalak telefono sare propioa jarri zuen



GARI GARAIALDE

Maixa Lizeaga eta Juan Luis San Miguel prentsaurrekoan.

martxan, gasa banatzeko hodiak jartzeko lanak baliatu eta beste hodi batzuk sartu ondoren. Gaur egun, Urnietatelek herriko telefonia merkatuaren %85 du eskutan.

1999ko urrian Espainiako

Telekomunikazioen Merkatuko Batzordeak Urnietateli, Andoainen, Lasarten, Astigarragan eta Hernanin telefono finkoko zerbitzua eskaintzeko lizentzia eman zion. Lizentzia hori garatzeko kapital

pribatuaren babesa bilatzea adostu zuen apirilean Urnietateko Batzorde Orokorrak. Lizeagak adierazi zuen ez dela Udalaren helburua zerbitzua beste herrietara hedatzea. «Horregatik atera genuen Urnietatelen zati bat salmentara», gaineratu zuen.

Hala ere, Urnietatelek Urnietan lanean jarraituko duela ziurtatu zuen: «Ez da inondik inora Urnietatel ezabatuko eta eutsi egingo diegu orain arte ditugun azpiegituriei, eskaintzei eta zerbitzuei, nahiz eta gero beste enpresa handiago bat sortu».

Zerbitzu berriak

Maixa Lizeagak, eta Juan Luis San Miguel, Urnietateko kontseilari delegatua eta Urnietako Udaleko teknologia berrien zinegotziak Urnietatelen zerbitzu berriak aurkeztu zituzten. Hala, hilero 2.500 pezeta ordainduz Via Digitalen 40 telebista kate eta 30 irrati emisora eskainiko dira. Izena emateagatik kuotarik ez da ordaindu behar eta etxeko deskodetzaile aparatuaren alokairua doan izango da.

laburrean

■ Aurreakordioa Nafarroako garbiketa zerbitzuetan

NAFARROAKO garbiketa zerbitzuetako UGT, CCOO, ELA, LAB eta ESK sindikatuek eta enpresariak hitzarmenerako aurreakordioa lortu dute, eta horrela bihar 5.000 langilek hastekoa zuten greba bertan behera utzi dute. Aurreakordioak hiru urterako hitzarmena jasotzen du, 280.000 pezetako soldata igoera eta 20 orduen murrizketa hiru urteetarako.

■ EAEko prebisio erakundeek %9,8 gehitu dituzte kuotak

PREBISIO erakundeek jasotako kuotak 23.738 milioi pezetara iritsi dira aurtengo lehenengo hiru hilabeteetan Euskal Autonomia Erkidegoan, iazko epaldi berean baino %9,8 gehiago. Erakunde hauek iaz izandako bazkide kopuruaren gorakada erakusten du igoerak. Erakundeen ondarea 1,27 bilioi pezetara iritsi da martxoan, %13,78 gehiago.

■ Behargin bat hil da Muru Arterderretan lan-istripu batean

NAFARROAKO Muru Arterderreta herriko enpresa batean jazotako lan istripu batean behargin bat hil zen. 50 urte inguruko langilea 10-12 metroko altueratik erori zen Sos Navarrrak adierazi zuenez. Ezbeharra eguerdiko 14:30 inguruan gertatu zen eta enpresara hurbildu ziren medikuak beharginaren heriotza egiaztatzea iritsi ziren soilik.

EUSKO JAURLARITZA



GOBIERNO VASCO

INDUSTRIA, MERKATARITZA
ETA TURISMO SAILADEPARTAMENTO DE INDUSTRIA,
COMERCIO Y TURISMO

KANPO MERKATARITZA 30 BEKA

BALDINTZAK:

- Unibertsitateko goi mailako titulua.
- 30 urtetik gorakoa ez izatea.
- Atzerriko bi hizkuntza.

IRAUPENA:

- Urte eta erdi.

ALDIAK:

- 2 hilabeteko kanpo merkataritzako prestakuntza.
- 10 hilabete atzerriko herrialde batean merkatuari buruzko azterlanak eginez.
- Euskal enpresa esportatzaile batean sei hilabeteko praktikak.

ARGIBIDEAK ETA ESKABIDEAK:

- Industria, Merkataritza eta Turismo lurralde bulegoetan:
 - Gasteiz (01009), Samaniego, 2. Tel. 945 01 70 52
 - Bilbo (48010), Gral. Concha, 23. Tel. 94 403 14 70
 - Donostia (20006), Easo, 10. Tel. 943 02 25 57
- Nazioarteratzeko zuzendaritza. Tel. 945 01 99 82
e-mail:comercio-ext@ej-gv.es
- www.euskadi.net/industria (sailaren laguntzak)

ESKABIDEAK AURKEZTEKO EPEA: 2000ko ekainaren 5 arte.



Osakidetza/Euskal Osasun Zerbitzuak teknikari hau behar du Gasteizko Erakunde Zentralean jardun dezan:

FAKULTATIBO MEDIKOA

Eskatzaileek medikuntzako zeinahi adarretako espezialitate baten titulua eduki behar dute, bai eta ospitaleetan, lehenasunez Osakidetza-erakundearen, gutxienez bost urteko esperientzia izan dutela egiaztatu ere. Halaber balioetsiko da Osakidetza/Euskal Osasun Zerbitzuko ospitaleetan gaur egun asistentziarako erabiltzen diren tresna informatikoak ezagutzea ere.

Interesatuak curriculumak helbide honetara bidali behar dute, hamar egoneko epean: Osakidetza/EOZ, Erakunde Zentralea, Giza Baliabideetako Zuzendaritza, Araba kalea 45, 01006 Vitoria-Gasteiz. Eskutitz-azalean "Medikuaren hautatzea/Selección médico" erreferentzia idatzi behar dute.



Larraungo Udalak

BASKULA EROSI ETA INSTALATZEA IBILGAILUAK PISATZEKO

Lehiaketara atera da "Prozedura Negoziatua prentsan publizitatea eginez" bidea erabiliz, "Mugiron (Larraun ibarra), "Olagain" deritzen lekuan, ibilgailuak pisatzeko Baskula baten erosketa eta instalazioa.

Interesatuak, Larraungo Udalak onartutako baldintza administratiboen pleguan xedatutakoaren arabera, gehienez ere iragarkia argitaratu eta hurrengo 15 eguneko epean aurkeztu behar dute beren proposamenak, 10/98 Foru Legeko 71. artikuluko 4. puntuak Nafarroako Foru Erkidegoaren esparruan egindako "Kontratazio Administrazioa" xedatutakoari jarraikiz.

Larraun, 2000ko maiatzaren 13a
ALKATEA